

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第七十八輯

沈雲龍主編

劉武慎公（長佑）年譜（補卷二）

錢儀吉編

文海出版社  
有限公司印行

無逾公者七月二十一日遂奉調補廣西之

命桂林去新甯不四百里公拜摺陳請並聲敘前次軍務緊急未便奏請之由奉

旨無庸迴避卽於次日交卸東篆定八月朔溯舟西上當是時粵西大股巨逆雖已削平而邊境伏莽猶多與黔省苗疆緊接且內地餘孽逃竄越南滋擾者尙繁有徒廣西提督馮子材方駐龍州督師出勦

廷旨飭公與和衷商辦公疏稱荒服之寇可近擊而不便窮追邊隘之師能協防而難於越勦因先函約提督來梧州會商而自於八月十二日抵梧檣舟待之護撫康國器委員

無逾公者七月二十一日遂奉調補廣西之

命桂林去新甯不四百里公拜摺陳請並聲敘前次軍務緊急未便奏請之由奉

旨無庸迴避卽於次日交卸東篆定八月朔溯舟西上當是時粵西大股巨逆雖已削平而邊境伏莽猶多與黔省苗疆緊接且內地餘孽逃竄越南滋擾者尙繁有徒廣西提督馮子材方駐龍州督師出勦

廷旨飭公與和衷商辦公疏稱荒服之寇可近擊而不便窮追邊隘之師能協防而難於越勦因先函約提督來梧州會商而自於八月十二日抵梧艤舟待之護撫康國器委員

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



送關防至公就行次拜篆任事提督遣隨營候補道華廷傑於九月十五日進謁公詳詢關外軍情卽於次晨解纜十月初十日達桂林公之任廣東也取道桂林所至吏民歡迎爆竹聲填咽閭巷雖騶從先導吐咤清途其父老必延頸企踵思一瞻望顏色蓋距前去桂已十年矣至是

命下遐邇相慶既抵省迎拜者相接如前公見耆民必下輿步行溫諭慰之時守令多舊識且人員增多衙參整肅通省無不到任之官公慮文武犷苟安習粉飾與司道熟籌以圖治得人及時修政培補民閒元氣爲急務檄司道府廳條列密陳牧令賢否檄同通州縣合覆漏網巨匪檄鎮協

標營督率備弁勤慎操防於是吏治軍政爲之一振

朝廷仍慮公過於寬厚屬吏因循諂諂以破除情面振刷整頓  
爲

論公因覆陳自問無可過人故嘗失之過寬自愧未能化人故  
嘗失之過厚至於是非之辨邪正之分亦斷不敢自欺其  
心以上欺

君父幸邀

天鑒俯察愚忱當力矯其偏勉補其過求無負此初心而已廣  
西西南邊境接壤越南綿亘千里隘卡甚多鎮南關係出  
入大道太平府屬邊外爲諒山夷省其南爲北甯南甯府

屬邊外爲海陽夷省其東之海甯廣安則鄰廣東欽靈鎮  
安府屬邊外爲高平牧馬夷省南爲宣光太原其西之安  
邊河陽則鄰雲南開廣而保樂夷州則緊接鎮安廳亦近  
距白苗吳淩雲逆子亞終先於八年由歸順州竄出逃死  
越南提督馮子材親自出關督追千里滅之於安邊河陽  
上年八月甫經班師而多年流寓在越之練總蘇懶漢卽  
復乘開糾集游匪於十月初襲陷諒山省城越南復警  
朝旨切責飭仍率二十營於本年三月赴關南督師討之公抵  
梧時懶漢踞廣安前此撫而復叛之黃崇英踞安邊河陽  
皆各擁衆數千其黨鄧建新竄撥水東陸之平鄧志雄周



建新等亦四出分擾子材派總兵劉玉成副將陳得貴等分統勇營出關剿辦公疏陳勞師逾域既慮後路空虛亦虞餉需竭蹶又不能不仰體

九重柔懷德意以宏保小之仁因與提督函商會奏以肅清諒北海太爲期卽回軍駐防關隘餘匪由越南自行搜捕九月劉玉成所部攻克海轄舊街直抵海甯會同廣東大鵬協副將雷秉剛於二十九日追賊至東興生擒逆首蘇幗漢解東省伏誅旋移軍西路會陳得貴所部合剿太轄匪黨十月復從化白通通化三城十一月平瓊山北山武崖諸匪十二月克斯立蘇街分路搜剿

同治十一年壬申公五十五歲

正月初六日會克左鸞陣擒匪首何三甯晚等於諒轄三  
星山連日俘馘甚多又殲匪目三十餘名其潛回內地招  
黨之陳安甯范三大亦擒戮於欽州上思於是諒北海太  
各轄均無賊蹤二月十五日奏飭劉玉成挑留十營暫駐  
太轄助防諸隘而照會越南國王派兵接戍以便回軍如  
有餘匪擾及近邊仍遵前

旨相機援擊此外勇營皆撤回內地分別汰留廣西大亂之餘  
未查辦善後各屬伏匪不時蠢動是年五月永甯四十八  
弄漏匪韋之穩糾劫雜容中渡墟戕害墟長竄入永福寨

沙村將復逞公檄龍州同知鹿傳霖率勇馳往拏辦獲要  
匪十餘名將大小峩口封禁撥勇彈壓其事遂平宣化匪  
魁李青靛蓄髮倡亂十餘年已就撫保游擊歸標猶一呼  
立聚千人陰縱黨肆劫遠近受害家赴訴之公訪得實密  
檄百色同知王政慈交卸宣化後不動聲色誘至省踵訴  
者益衆六月二十日傳青靛堂訊惶迫悉自承叱縛戮於  
市觀者如堵咸稱快仍嚴拏黨惡謀主粟金來而不問其  
餘匪黨因以斂戢宣隆各處糧賦此後亦遂多清完此外  
藤縣之巨匪何先體梁琬永甯之峩匪伍琬河池三旺之  
崗匪黃有仁宣化之積匪歸宗稔陸文見黃色明班忠保

武緣之積匪蘇特木李培雅郭特犁隆安之悍匪李卜琼  
梁三宇盧成茂紅下扒鎮安廳之積匪農付蘭莫長喜盧  
成榮北流之土匪羅三狗鄒亞養王亞葵岑溪之積匪陳  
經謨會亞歪五徐大花八馮單眼四賴紹經西隆之客匪  
龍老觀姜卡二苗匪王三楊么土匪桑美羅亞秀歸順之  
積匪韋聽黃亞喜楊亞勝橫州之積匪莫錫盛施宏贊龍  
兩澤奉議之逃匪楊鶯鳴何英仁西林之積匪金仕元天  
保之巨匪蒙艾富川之會匪盤科仔貴縣之客匪張平義  
黎特嵩廣東靈山之土匪潘端溪等皆著名首悍或已撫  
復叛或據寨劫村或句匪抗橫尋仇慘殺公先後派撥勇

營會同鎮道府協督各州縣兵團次第勦除并戮其匪目  
悍黨數百名後又派同知魏鼎薰副將文明迪參將楊子  
吉各營赴懷遠六洞四腳牛擊退竄擾黔苗通省遂安廣  
西被兵最久元氣粹難復其凋敝尤甚之州縣公爲按年  
請蠲緩糧賦如初釐捐藉補軍餉一時難於議裁而亦不  
無弊累公差委人員先飭總局司道籤掣名次注於冊以  
序輪委是年冬復奏撤分卡二十七處並免抽小貨留者  
亦議從輕減例貢方物亂後停止多年內務府至是咨查  
公謹備其所有者進呈仍請展緩山羊血石羊膽諸品內  
府又咨行採辦園工大木公備陳廣西向不產柑柏陳黃

松大材兵燹後新長杉木油松亦不中繩墨且山溪險僻  
挽運尤艱各情形概爲奏免蘇民困僚屬因公請謁者隨  
時接見雖微員末弁俾盡其詞以覘所長諄諄語誠一如  
督直時取人以心術品行課最以操守薦賢舉能絕不令  
知才力有爲而未諳政治或誤被糾彈者多委曲誘掖始  
終成全之謹愿年老無大過而難以策勵或猶有親者皆  
諷令自退時周其窶困惟貪酷庸劣之員則不少寬假歷  
任守此不易此次重撫桂林內地無軍政案牘酬應亦視  
直隸較簡故尤得一心察吏安民焉

同治十二年癸酉公五十六歲

春藩司文格署臬司嚴樹森後先到任二公皆一時人望且曾任封疆經盤錯遂與升授鹽道謝榮照桂林知府鹿傳霖悉屏絕陋規勵精圖治助公爲理分別勸懲邊遠官署燬於寇亂者酌量發款以次興修俾肅關防崇體制或云廣西一時合五星聯珠之頌於是守丞牧令爭自濯磨遵教令督民閒廣植桑樹教導蠶工公復示諭通屬墾荒勸農期盡更女耕男惰之俗一時吏治民風遂漸蒸蒸日上入城因挑剔私錢爭鬪卽有奸民劉正斌等藉詞鼓衆湧至桂林府署闕堂逞兇經縣營拏獲鞠實公以省垣重地

不可縱長刁風如律懲之飭司籌款收買私錢改爲官鑄  
民用稱便六月容縣以久旱祈雨巫童劉十二造言惑衆  
於大容山建劉大娘祠地痞盧嘉金等附之夥同斂錢遠  
近無識鄉愚燒香迎神者趨之若鶩不匝月山上寮棚如  
市地方官查禁反恃衆拒捕及派兵彈壓羣疑爲勦辦益  
洶洶公知前署令陳師舜得民心檄飭仍之官宣布禁令  
召公正明白數人至省當堂反覆開導復手書誅諭數百  
言闢其謬解其惑給令持歸傳示大衆遂皆醒悟罷會毀  
祠卽日解散南丹州土豪莫雲義藉團恣暴積惡有年經  
莫蘭森等京控十餘次仍挾土官據蠻洋山寨負隅抗案



跋扈日彰

朝廷慮其句結黔苗寢成巨患已有

旨飭提督及黔撫勒兵備剿公先檄記名總兵黃仲慶愾以兵威而密諭計擒獲之八月解至省城黃總兵之往衆以爲徒勞地方官至通稟請防省城官民咸相驚爲引虎入室或力諫公公提同莫蘭森等質訊明確處以極刑仍治蘭森等以應得之罪衆皆讐服公之不煩兵力消患未萌大率類此文廟丁祭禮樂亂後久未講求邊徼詩書尤多廢於蕩析公前去任時已聘迎醴陵藍鑑湖來粵製祭器肄禮儀按譜教習樂章侑舞逾數月粲然秩然及復任於秀

峰宣城兩書院外添構桂山書院舉行孝廉月課聘延名宿象州鄭先生獻甫馬平王先生拯主講席木罌官課卷皆親評甲乙鎮泗兩府考棚向在奉議州合試士已苦其迂遠因亂又焚毀附試南甯水陸有及千里者公爲改建於鎮安府城以省邊遠士小試之苦是秋鄉試公嚴密關防風清弊絕士論翕然軍興以來保舉武職既多其不自愛者或借端誣詐倚勢專橫且莫辨真僞前巡撫蘇鳳文時有都司馬元標赴越南購買肉桂犀角南官盤查卽捏報被搶以圖嚇詐事又有古超榮冒充職官捏造閩浙總督文札赴越南查辦軍情事及是懷遠縣營有盤獲廣東

副將蕭永發僞造湖廣總督關防售賣假功牌誣財物事  
上年十一月有法國領事涂普義以四火船至越南之廣  
安海口稱與同知李明墀奉雲南提督採辦軍裝假道赴  
滇爲南官所阻留駐太原總兵陳得貴聽隨營知縣廖景  
森受託擅札南官放行駛上河內事本年四月有陳部差  
弁陳得貴及廖景森私攜婦女出關於二月道經金英縣  
與夷官口角鬪毆輒指爲聚匪劫餉移營多福府縣驚散  
一空事皆經先後奏革提審鞫實古超榮蕭永發廖景森  
如律發遣餘人分別治罪陳得貴帶罪効力沿邊員弁始  
漸知守法矣越南積弱久不振自前經奏明撤防不惟無

南兵接戍且猶時請添軍應援而太鎮沿邊關隘城堡鮮完譏禁久弛上年十月公以黔防稍紓白苗可慮檄候補道覃遠璣統帶勇營往周厯履勘補修扼要協堵本年春關外白苗果句結黃崇英股匪攻保樂夷州擾近鎮安邊境而夷匪劉六阮四周建新等亦由宣光竄保樂闌入太原波賴分踞蘇街提督派副將陳朝綱參將劉應高等擊走之水匪黃琬等數百人敗於海船竄至北甯陸岸縣總兵劉玉成副將蔣榮昌等擊走之甯太轄境無賊蹤於是提督以關外十營交劉玉成接統以六營回紮近邊關外之文淵爲左路防軍備諒轄竄匪覃遠璣修葺關隘旣竣

亦率統十營分駐鎮安歸順及下凍憑祥思州下雷各土  
屬關口爲右路防軍備高平竄匪提督既與公商定議回  
駐柳州其時越南貢使潘仕俶等過省稱黃崇英匪黨盤  
踞河陽蔓延山宣獨力難支情形其國王有表章交其齎  
送禮部代呈籲懇

天恩敕下仍前援勅公以粵省仰體

皇仁原未稍存膜視惟須本國自強能制各匪則粵軍雖不能  
深入亦必相機應援覆之初法國安參將欲游歷廣西先  
由總署函知公備言山川險阻游匪尙多覆書阻之十月  
二十三日左右兩軍統領報法兵於初一日攻破越南河

內省城黃崇英逆黨亦與陳四黎大各匪攻襲太原山西  
夷官踵營乞援公策法之於越久已垂涎黃逆匪徒暗相  
勾附已屢疏密陳情形至是復疏稱粵軍半駐關外距河  
內雖遠所慮越南各匪冒假法兵名色致難辨識更恐越  
南各營假冒粵軍名色致啟猜嫌加以離營散勇沿邊游  
民或出入賊中或往來河內混雜遙傳皆足起衅端而撓  
事局已咨商督臣瑞麟轉告法領事及安參將如遇粵軍  
於邊關內外堵剿越匪絕不與法兵相干俾釋嫌疑既而  
越南提督劉永福嚴斃安參將收復河內省城法人仍與  
議和洋船退泊左金口公在直隸時屢諭公子等奉父卿

公及李太夫人北上卒以撻蹤無定慮河南道梗不果行及由廣東西移乃並迎入署是年五月十三日公五子思謹病歿署中李太夫人過於悲傷亦於十一月十九日病卒公連遭家難不勝慘悼時公子詢謙訓均在署隨侍惟次子詣於鄉試後赴覲公約往江西至十二月底始到署

同治十三年甲戌公五十七歲

六月遵籌勦撫越南匪徒及越南近日情形一疏其略曰越南官兵能勦匪者無如劉永福一軍卽上年在河內與法人打仗之黑旗隊也越南各匪宜亟勦者莫如黃崇英一股卽上年在河陽與法人涂普義交通現在分擾西北

之匪徒也臣窺法人之意所欲勦者必先劉永福所欲撫者必先黃崇英而又慮粵軍現留高諒越南得倚爲聲援或未肯遽聽其言於所欲勦者勦之於所欲撫者撫之也因而有調回粵軍之議有招回匪徒之議並有與越南會勦之議夫粵軍出駐關外已四五年一以邊寄甚重勢當設防一以外藩乞援情難膜視初非兩國構兵之後始議進屯臣於復總理衙門與兩廣督臣函內已縷悉之高諒密邇三關形勢最爲扼要自經粵軍收復之後夷情倚以爲安今一旦遽議撤回無論高諒隨失甯太益孤越南之兵不能併力而攻越南之匪必將分股東竄正恐粵西郡



屬處處與匪爲鄰在在須兵列戍自此咫尺之外不得賊情亭障之旁悉成敵境前功盡棄後患無窮則粵軍之未可遽撤也現在越南各匪大半漏網餘兇其撫叛無常前事可鑒年來旬結漸廣聲息潛通狡詐情形百倍往日徒以防軍密布未敢擾逼邊關然其尋仇報怨之心則未嘗一日或釋今若漫無區別概與招回處置未能相安禍端卽肇於眉睫防維未能盡善戎患卽伏於隱微前准督臣咨送招撫章程極爲周妥臣復督同司道悉心商酌增設多條其能否施行有無流弊則猶未敢深信蓋以

朝廷破格之恩不乞自竊臣不乞自落屣而出他族之一言微

特恩怨所歸得失立判已非所以尊

國體而戢戎心則匪徒未可遽招也至於法人與越南會勘各匪之議如果屬實粵西得以一意設防不復兼籌援剿既可紓越南之怨望更可釋法人之嫌疑計孰使於此者而不謂法之創爲此議初未與越南會商其意惟在撤粵西之兵報河內之役且欲越南自絕於中國併使粵西自失其外藩也臣初聞此議不能無疑比經函商督臣但以未經奏奉

諭旨亦無越南咨文爲辭乃數月以來越南國王及近邊夷官仍以撥援爲請並無與法人會勘之言而原駐粵東之法

國領事與現在越南督兵之法官於督臣處亦訖無止  
申覆是其情虛計沮已可想見則會勦之未可遽信也  
法人自以爲越南在其掌握獨無如劉永福一軍與之  
抗既未便遽指爲匪又未能遽加之兵而黃崇英遠在  
陽中爲劉永福所阻與河內聲息不通粵軍分駐高  
可扼其東竄之路計惟有聲稱會勦概許招安懈越  
軍情撓粵西之成局然後可以惟所欲爲耳臣嘗曰  
維竊謂越南各匪一日不除關內外粵軍一日不可  
軍於法人固不容別滋事端粵軍於越南必不可置  
外但越南大局屢敗於撫今當一主於勦而粵軍本

在於防今當以防爲勦並可以勦爲撫也廣西土司以土田州地境爲最大自成豐五年其官族岑鋹因與署土州岑森爭襲械鬪不休土民脂膏旣竭復遭蹂躪無所控告同治十一年署百色同知麥文震排解拏辦岑鋹逃去復邀悍目麻景翠等糾游匪千餘肆劫外三里公巡閱至南甯悉岑森亦非親支但知科斂勒令交出印信撤銷署任而檄徐延旭前往察看情形分別勦撫岑鋹走鳳山土司其土民呈訴苦狀以千計願改隸流官公習聞土官苛斂民久不堪岑鋹岑森皆罪惡貫盈非早安置禍亂終無已時土民必益以困乃奏明改土爲流設官定制盡更從前

苛政士民如出水火而附近各土司  
初至南甯李青旋之子感公前赦免  
二百人報效從公員弁皆謂不可許  
人其子率百人者送出境一日乃泣  
榮陞以公所教八變全勝陣繪爲圖  
給各標演習此次巡閱所至遂多演  
十月關內外兩軍統領同謁行次時  
退踞河陽安邊老巢其黨白苗擾逼  
之滇省開化練勇又嬰擊之公以爲  
丁艱去檄候補道鎮安府知府趙沃

辦邊關國防招撫而黃崇英匪黨陳亞水等復擾保樂周  
建新鄧志雄等亦分擾高諒公亟飭左右兩軍相機防剿  
趙沃以爲保樂迫近鎮安未可聽其淪陷而各匪惟白苗  
尤悍亞水恃以爲援必先撫定白苗使爲我用以孤黃逆  
之黨公躡之乃移會左軍劉玉成撥營填紮右地斷後路  
賊援會越南國述

旨咨請援師其統督黃繼炎亦派練千人爲我嚮導是年正月  
公命四子訓歸家爲李太夫人卜葬地二月命次子三子  
奉李太夫人柩回籍當太夫人出柩日公步送至北門外  
沿途哭泣觀者爲之淚下十二月長孫婦李氏來歸

光緒元年乙亥公五十八歲

二月趙沃卽親督勇練分道進剿參將党敏宣等連破同文州茶平普高各巢招降苗民諸酋皆請自効十九日遂破底定縣明日既夕攻入安襄府城槍斃匪首林亞新崇英擾黨皆遁剋期進攻安邊左路防軍劉玉成亦飭李揚才等頻攻賊巢斃匪首鄧志雄於那郁寨公以安邊與河陽祇隔一水密邇滇省迭咨署雲貴總督岑毓英調兵會剿設防又粵東欽州毗連廣安海陽並咨商東省派兵援應趙沃旣克安襄偵知黃逆謀約周建新率黨死拒左軍而自憑險立寨堅守以老我師乃亟移會左軍統領從北

太省屬出擊並飭南官堵截下游自督所部山安襄三路  
會剿遂圍河陽五月中路領兵王正明莫雲成等方克淦  
直賊巢黃逆遽來撲日夜苦戰飛調留防參將黃義德來  
援而太原陸之平等匪已襲我右軍後路侯勉忠悉力拒  
守左路軍忽鈔賊後賊乃氣阻遁去陳亞水時踞猛法大  
寨見我軍破巢數十四面逼圍度且見擒乃投誠內應我  
軍遂於十九日連克安邊河陽兩城黃逆竄峯門羊摩沙  
南軍及苗酋又敗之捷書至公乃懸賞購黃逆亟飭兩軍  
合捕七月二十六日遂生得崇英於安邊後山芳渡社寸  
磔之越人無不稱快其逆子黃亞流偽軍師羅日精等與



自通潰匪周建新亦先後伏誅八月兩軍會攻陸之平馬  
二股匪後月餘克深母巖束筏渡湖初二日進逼者巖克  
之擒斬逆目趙花丹王明森搜捕餘匪宣光河陽金沙江  
上下一律肅清於是遵

旨檄兩軍凱撤入關分紮鎮安太平諸隘先是公以爲國家無  
窮之慮惟在簡將練兵於十二年仿江南月課標弁章程  
定爲六條按月考校又以桂林爲全省根本柳州爲省外  
重鎮自同治四年裁減兵額迄未募補是年十一月疏請  
於新撤防勇挑留精壯撥補撫標兵二百名提標兵一百  
六十名先年奉文改戰爲守左江及提標兵核減較多公